

U Konjicu napadnut kombi ekipe BHRT-a, vozač povrijeđen

Nepoznata grupa napadača sinoć je u Konjicu napala ekipu BHRT-a koja se vraćala iz Širokog Brijega, s utakmice Široki – Sloboda. Tom prilikom povrijeđen je vozač, a na kombi vozilu pričinjena je znatna materijalna šteta.

Ove informacije za Klix.ba potvrdio je Ljudevit Marić, glasnogovornik MUP-a Hercegovačko-neretvanskog kantona.

“Noćas oko 23:50 u ulici Kolonija u Konjicu grupa od petnestak maskiranih mladića, odjevenih u crvene majice s povezima preko glave napali su ekipu BHRT-a. U incidentu je povrijeđen vozač, a pričinjena znatna materijalna šteta na njihovom kombiju. Vozač je uspio pobjeći u prostorije PS Konjic”, izjavio je Ljudevit Marić

Kako saznajemo u napadu su korištene palice i kamenje, a Marić nam je kazao da su na kombiju polomljena stakla, te da su napadači htjeli u njega ubaciti zapaljenu baklju.

Uposlenici BHRT-a napad su prijavili PU Konjic, čiji su službenici napravili uviđaj i trenutno rade na otkrivanju počinitelja. (Klix)

60

SHARES

[_ Share on Facebook](#)

[_ Tweet](#)

[_ Follow us](#)

[_ Share](#)

[_ Share](#)

[_ Share](#)

[_ Share](#)

[_ Share](#)

Date: 21-08-2018